



Broj predmeta: 02-000033/21
Broj akta: 01.1-1413EK-004/21
Datum, 29. 1. 2021. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane telefonske sjednice Štaba, na prijedlog Odjeljenja za zdravstvo i ostale usluge – Pododjeljenja za javno zdravstvo broj: 05-000110/21 od 22. 1. 2021. godine, komandant Štaba, gradonačelnik Brčko distrikta BiH dana 29. 1. 2021. godine i z d a j e

N A R E D B U

Član 1.

Štab za zaštitu i spašavanje Brčko distrikta BiH prihvata prijedlog Plana vakcinacije protiv COVID-19 predloženog od strane Odjeljenja za zdravstvo i ostale usluge – Pododjeljenja za javno zdravstvo.

Član 2.

Sastavni dio ove naredbe čini Plan vakcinacije protiv COVID-19.

Član 3.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Sekretaru Vlade (3x)
5. Odjeljenju za zdravstvo i ostale usluge
 - Pododjeljenje za javno zdravstvo
6. Odjeljenju za zdravstvo i ostale usluge
7. Odjeljenju za stručne i administrativne poslove
 - Pododjeljenje za javne nabavke
8. Odjeljenju za obrazovanje
9. JZU „Zdravstveni centar Brčko“ Brčko distrikt BiH
10. Svim odjeljenjima Vlade (12x)
11. Uredu gradonačelnika / Inspektorat
12. Policiji Brčko distrikta BiH
13. Članovima Štaba (34x)
14. Institucijama Brčko distrikta BiH (8x)
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

GRADONAČELNIK

Esed Kadrić

PLAN VAKCINACIJE PROTIV COVID-19

Pododjeljenje za javno zdravstvo u saradnji sa JZU“Zdravstveni centar Brčko“ sprovodit će vakcinaciju protiv COVID-19 u fazama u skladu sa količinom dobijenih vakcina.

Faza 1.

- Zaposleni u COVID Odjeljenjima, COVID ambulantomama, trijažnim ambulantomama, laboratorijama i službama za direktnu dijagnostiku COVID-19,
- Zaposleni u jedinici intenzivnog liječenja i hirurškim odjeljenjima
- Zaposleni na ostalim odjeljenjima
- Zaposleni u zdravstvenim centrima
- Zaposleni u privatnom zdravstvenom sektoru prema stepenu rizika
- zaposlenici i štićenici u ustanovama za smještaj starih i iznemoglih lica
- Osobe u starosnoj grupi u opštoj populaciji od 65-74 godina sa visokim faktorima rizika
- Osobe starije od 75 godina u opštoj populaciji

Faza 2.

- Osobe u starosnoj grupi u opštoj populaciji od 65-74 godina koje nisu obuhvaćene u prethodnoj fazi
- Osobe mlađe od 65 godina sa komorbiditetima ili zdravstvenim stanjem koje predstavlja visok rizik od nastanka teškog oblika bolesti ili smrti
- Zaposleni u službama/ustanovama od vitalnog značaja (sa povišenim rizikom od nastanka ili transmisije bolesti ili koji ne mogu da obezbjede fizičku distancu)
- Zaposleni u policiji i pravosuđu
- Zaposleni u Institucijama BD koji su posebno izloženi infekciji (neposredni rad sa strankama, rad na terenu ili slično)
- Zaposleni u preduzećima i ustanovama od posebnog značaja za funkcionisanje društva
- Zaposleni u obrazovanju (srednje škole i fakulteti)
- Zaposleni u obrazovanju (osnovne škole)
- Zaposleni u predškolskim ustanovama

Faza 3.

- Lica sa manjim rizikom od transmisije bolesti a koja nisu obuhvaćena prvom i drugom fazom Faze 1 i 2 u određenom periodu u zavisnosti od raspoloživih količina vakcina odvijaće se istovremeno U svim fazama sprovođenja vakcinacije u kojima se kao kriterijum uključuje i prisustvo komorbiditeta (hronične bolesti koje zbog svoje prirode predstavljaju visok rizik od nastanka teške bolesti COVID-19 i smrtnog ishoda) u obzir se uzimaju sledeće grupe bolesti:

1. Maligna oboljenja (pacijenti na hemioterapiji, maligne hemopatije, nedavna transplantacija matičnih ćelija)
2. Hronična oboljenja srca i krvnih sudova (teška dekompenzacija srca, popuštanje srca, kardiomiopatija)
3. Hronična bubrežna oboljenja i dijaliza
4. Dijabetes (tip-1) – osobe na inzulinskoj terapiji, sve osobe sa dijabetesom i velikom glukoznom varijabilnošću, koeficijent varijacije >36%
5. Hronična oboljenja jetre
6. Hronična oboljenja pluća (HOBP, astma, cistična fibroza, bolesti intersticijuma pluća, hronična respiratorna insuficijencija, primarna plućna hipertenzija, pacijenti koji zahtijevaju dugotrajnu oksigenoterapiju ili neinvazivnu ventilaciju u kućnim uslovima, bronhiektazije, sarkoidoza
7. Stanje imunosupresije, uključujući i transplantaciju organa
8. Neurološka oboljenja, uključujući i cerebrovaskularna oboljenja

9. Gojaznost ($BMI > 40 \text{ kg/m}^2$)

10. Rezistentna hipertenzija sa vrijednostima krvnog pritiska većim od 140/90 uprkos trostrukoj kombinaciji hipertenziva

Vakcinacija lica koja su preležala COVID-19 može se sprovesti najranije mjesec dana poslije kliničkog izlječenja ili od pozitivnog rezultata PCR testa kod asimptomatskih osoba.

Preporuke za vakcinaciju zasnivaju se na preporukama SZO i njenih radnih grupa kao što su Strateška savjetodavna grupa eksperata za imunizaciju (SAGE) i Evropska stručna savjetodavna grupa za imunizaciju (ETAGE)